



რომელი მუსლიმიც აუღებს აბდესს, სრულყოფილად შეასრულებს მას, შემდეგ კი დადგება და გულითა და გონებით ორ რაქათ ლოცვას შეასრულებს, მისთვის სამოთხე გარანტირებული გახდება

'უყბა იბნ 'აამირ (აღლაჰი იყოს მისით კმაყოფილი) გადმოსცემს, რომ მან თქვა: «ჩვენ გვევალეობდა აქლემების მწყემსვა, და როცა ჩემი მორიგეობა მოვიდა, შუადღის შემდეგ დავაბრუნე ისინი. მივუსწარი მოციქულს (აღლაჰის ლოცვა და მშვიდობა მას), რომელიც იდგა და ხალხს ესაუბრებოდა. და მოვუსწარი მის სიტყვებს: «რომელი მუსლიმიც აუღებს აბდესს, სრულყოფილად შეასრულებს მას, შემდეგ კი დადგება და გულითა და გონებით ორ რაქათ ლოცვას შეასრულებს, მისთვის სამოთხე გარანტირებული გახდება». მე ვთქვი: "რა მშვენიერი სიტყვებია!" ამ დროს ვილაყამ ჩემს წინ თქვა: "წინა სიტყვები კიდევ უკეთესია". გავიხედე და ეს უმარ იბნ ალ-ხატაბი აღმოჩნდა, რომელმაც მითხრა: "მე დავინახე, როგორ მოხვედი ცოტა ხნის წინ". შემდეგ დაამატა: «რომელი თქვენგანიც აიღებს აბდესს და სრულყოფილად შეასრულებს მას, შემდეგ კი იტყვის: "ვამოწმებ, რომ არ არსებობს ღმერთი, გარდა აღლაჰისა და რომ მუჰამმადი მისი მონა და მოციქულია", მისთვის სამოთხის რვა კარი გაიღება, და შეუძლია, შევიდეს ნებისმიერი მათგანიდან, რომლითაც მოისურვებს».

[სანდო (საჰიჰ)] [გადმოსცა მუსლიმმა]

აღლაჰის მოციქულმა (აღლაჰის ლოცვა და მშვიდობა მას) ხალხს საუბრისას ორი დიდი სიკეთე განუმარტა: პირველი: ვინც აიღებს აბდესს სრულყოფილად და სრულად, ისე რომ შეასრულებს მას სუნნათის შესაბამისად, წყლით თითოეულ კიდურს სათანადო რაოდენობით გაინმენდს და შემდეგ იტყვის: ვამოწმებ, რომ არ არსებობს ღმერთი გარდა აღლაჰისა და რომ მუჰამმადი მისი მონა და მოციქულია, მისთვის სამოთხის რვა კარი გაიღება, და შეუძლია, შევიდეს ნებისმიერი მათგანიდან, რომლითაც მოისურვებს. მეორე: ვინც შეასრულებს სრულყოფილ აბდესს და ამის შემდეგ დადგება და შეასრულებს ორ რაქათ ლოცვას გულით, გულწრფელად და მორჩილებით, და თავისი სახე და სხეულის ყველა კიდურს დაუმორჩილებს აღლაჰს, მისთვის სამოთხე გარანტირებული გახდება.

النجاة الخيرية
ALNAJAT CHARITY

